

摘藻堂四庫全書薈要

史部

欽定四庫全書舊要卷三千七百十八

史部

前漢書卷五

漢

蘭

臺

令

史班

固撰

唐正議大夫行秘書少監琅邪縣開國子顏師古注

景帝紀第五

孝景皇帝

荀悅曰諱啓之字曰開應劭曰禮諡法布義行剛曰景

文帝太子也母

曰竇皇后後七年六月文帝崩丁未太子卽皇帝位尊皇太后薄氏曰太皇太后皇后曰皇太后九月有星孛

于西方

元年冬十月詔曰蓋聞古者祖有功而宗有德

應劭曰始取天

下者為祖高帝稱高祖是也始治天下者為宗文帝稱太宗是也師古曰應說非也祖始也始受命也宗尊也有德可尊○劉攽曰顏說非也始受命者稱太祖耳有功者亦稱祖高祖甲是也制禮樂各有

由歌者所以發德也舞者所以明功也高廟酎

張晏曰正月旦

作酒八月成名曰酎酎之言純也至武帝時因八月嘗酎會諸侯廟中出金助祭所謂酎金也師古曰酎三重

釀醇酒也味厚故以奏武德文始五行之舞

孟康曰武德高祖所

作也文始舜舞也五行周舞也武德者其舞人執干戚文始舞執羽籥五行舞冠冕衣服法五行色見禮樂志

孝惠廟耐奏文始五行之舞孝文皇帝臨天下通關梁

不異遠方

張晏曰孝文十二年除關不用傳令遠近若一

除誹謗去肉刑賞賜

長老收恤孤獨以遂羣生

師古曰遂成也達也

減耆欲不受獻

師古

曰耆讀曰嗜

罪人不弔

蘇林曰刑不及妻子師古曰弔讀與孺同

不誅亡罪不私

其利也除宮刑出美人重絕人之世也朕既不敏弗能

勝識

師古曰敏材智速疾也勝識盡知之

此皆上世之所不及而孝文皇

帝親行之

師古曰上世謂古昔之帝王也

德厚侔天地利澤施四海

師古

曰侔等也音牟靡不獲福明象乎日月而廟樂不稱朕甚懼焉

師古曰稱副也音尺孕反

其為孝文皇帝廟為昭德之舞

師古曰以昭明也

明休德

師古曰休美也

然後祖宗之功德施于萬世永永無窮

朕甚嘉之其與丞相列侯中二千石禮官具禮儀奏丞

相臣嘉等奏曰

師古曰申屠嘉

陛下永思孝道立昭德之舞以

明孝文皇帝之盛德皆臣嘉等愚所不及臣謹議世功

莫大於高皇帝德莫盛於孝文皇帝高皇帝廟宜為帝

者太祖之廟孝文皇帝廟宜為帝者太宗之廟天子宜

世世獻祖宗之廟郡國諸侯宜各為孝文皇帝立太宗

之廟諸侯王列侯使者侍祠天子所獻祖宗之廟

張晏曰王

及列侯歲時遣使詣京師侍祠助祭如淳曰若光武廟在章陵南陽太守稱使者往祭是也不使侯王祭者諸侯不得祖天子凡臨祭宗廟皆為侍祭師古曰張說請是也既云天子所獻祖宗之廟非謂郡國之廟也

宣布天下制曰可春正月詔曰間者歲比不登民多乏

食天絕天年朕甚痛之郡國或磽陬無所農桑穀畜

古師

曰磽謂磽埴瘠薄也陬謂褊隘也穀謂食養之畜謂牧放也磽音苦交反陬音狹穀古繫字

或地饒

廣薦草莽水泉利而不得徙

如淳曰莊周云麋鹿食曰薦一曰草稠曰薦深曰莽

○劉放曰注麋鹿食曰薦行一曰字

其議民欲徙寬大地者聽之夏四月

赦天下賜民爵一級遣御史大夫青翟至代下與凶奴

和親

文穎曰姓嚴諱青翟臣瓚曰此陶青也莊青翟乃自武帝時人此紀誤師古曰後人傳習不曉妄增

翟字耳非本作紀之誤

五月令田半租秋七月詔曰吏受所監臨

以飲食免重受財物賤買貴賣論輕

師古曰帝以為當時律條吏受所監

臨賂遺飲食即坐免官爵於法太重而受所監臨財物及賤買貴賣者論決太輕故令更議改之

廷尉

與丞相更議著令

蘇林曰著音著憤之著師古曰蘇音非也著音著作之著音竹筋反廷

尉信謹與丞相議曰

師古曰丞相申眉嘉

吏及諸有秩受其官屬

所監所治所行所將

師古曰行謂按祭也音下更反

其與飲食計償費

勿論

師古曰計其所費而償其直勿論罪也

它物若買故賤賣故貴皆坐

臧為盜沒入臧縣官

師古曰它物謂非飲食者

吏遷徙免罷受其故

官屬所將監治送財物奪爵為士伍免之

李奇曰有爵者奪之使為

士伍有位者免官也師古曰此說非也謂奪其爵令為士伍又免其官職即今律所謂除名也謂之士伍者言

從士率之伍也無爵罰金二斤令沒入所受有能捕告界其所

受臧

師古曰界與也以所受之臧與捕告者也界音必寐反

二年冬十二月有星孛于西南令天下男子年二十始

傳

師古曰舊法二十三今此二十更為異制也傳讀曰附解在鳥紀

春三月立皇子德



為河間王閼為臨江王

師古曰閼音一曷反

餘為淮陽王非為汝

南王彭祖為廣川王發為長沙王夏四月壬午太皇太

后崩

服虔曰文帝母薄太后也

六月丞相嘉薨封故相國蕭何孫係

為列侯

師古曰係音胡計反

秋與匈奴和親

三年冬十二月詔曰襄平侯嘉

晉灼曰紀通子也功臣表襄平侯紀通以父功

侯孝景三年康侯相夫嗣推其

子恢說不孝謀反欲以

殺嘉大逆無道

晉灼曰恢說言嘉知反情而實不知也師古曰此解非也恢說有私怨於其父

而自謀反欲令其父坐死也說讀曰悅

其赦嘉為襄平侯及妻子當坐者

復故爵

如淳曰律大逆不道父母妻子同產皆棄市今赦其餘子不與恢說謀者復其故爵論恢

說及妻子如法春正月淮陽王宮正殿災吳王濞膠西

王卬楚王戊趙王遂濟南王辟光

師古曰辟音壁又音闕其義兩通

菑

川王賢膠東王雄渠皆舉兵反大赦天下遣太尉亞夫

師古曰周亞夫

大將軍竇嬰將兵擊之斬御史大夫晁錯以謝

七國

晉灼曰錯音錯置之錯師古曰晁古朝字

二月壬子晦日有蝕之諸將

破七國斬首十餘萬級追斬吳王濞於丹徒膠西王卬

楚王戊趙王遂濟南王辟光菑川王賢膠東王雄渠皆

自殺夏六月詔曰廼者吳王濞等為逆起兵相脅誑誤

吏民吏民不得已

師古曰已止也言不得止而從之非本心也

今濞等已滅

吏民當坐濞等及逋逃亡軍者皆赦之楚元王子敖等

與濞等為逆

師古曰敖音藝

朕不忍加法除其籍毋令汙宗室

立平陸侯劉禮為楚王續元王後

孟康曰禮元王子也

立皇子端

為膠西王勝為中山王賜民爵一級

四年春復置諸關用傳出入

應劭曰文帝十二年除關無用傳至此復用傳以七

國新反

夏四月己巳立皇子榮為皇太子徹為膠東王

備非常

六月赦天下賜民爵一級秋七月臨江王闕薨十月戊

戌晦日有蝕之

○劉攽曰此年記事十月在年終誤

五年春正月作陽陵邑

張晏曰景帝作壽陵起邑

夏募民徙陽陵賜

錢二十萬遣公主嫁匈奴單于

六年冬十二月雷霖雨秋九月皇后薄氏廢

七年冬十一月庚寅晦日有蝕之春正月廢皇太子榮

為臨江王二月罷太尉官夏四月乙巳立皇后王氏丁

巳立膠東王徹為皇太子賜民為父後者爵一級

中元年夏四月赦天下賜民爵一級封故御史大夫周

苛周昌孫子為列侯

師古曰封苛之孫及昌之子也苛昌皆嘗為御史大夫而從昆弟也

故總言之

二年春二月令諸侯王薨列侯初封及之國大鴻臚奏

諡誄策

應劭曰皇帝延諸侯王賓王諸侯皆屬大鴻臚故其薨奏其行迹賜與諡及哀策誄文也臣瓚

曰景帝此年已置大鴻臚而百官表云武帝太初元年更以大行為大鴻臚與此錯師古曰誄者述累德行之

文音力反

列侯薨及諸侯太傅初除之官大行奏諡誄策

如淳曰凡言除者除故官就新官也晉灼曰禮有大行人小行人主諡官故以此名之臣瓚曰大行是官名掌

九儀之制以賓諸侯者師古曰大鴻臚者本名典客後改曰大鴻臚大行令者本名行人即典客之屬官也後改曰大行令故事之尊重者遣大鴻臚而輕賤者遣大行也據此紀文則景帝已改典客為大鴻臚改行人為大行矣而百官公卿表乃云景帝中六年更名典客為大行令武帝太初元年更名大行令為大鴻臚更名行人為大行令當是表誤○劉攽曰史記文景事最略漢書則頗有所錄蓋班氏博采他書成之故於景帝世謂典客為大鴻臚行人為大行由它書即武帝時官記景帝世事班氏失於改革耳然則改諸官名在武帝世無疑非表誤也顏氏所疑下文光祿大夫亦景帝所改乎○劉敞曰按景十三王傳河間獻王薨猶云大行令奏諡則非表誤也但官名改易未定故史於此追舉王薨最後官名耳武帝初大行王恢李息即大行令也王薨遣光祿大夫弔襚祠賜

應劭曰衣服曰襚祠飲食也車馬曰賜師古曰襚音逆賜音芳

鳳視喪事因立嗣子列侯薨遣太中大夫弔祠視喪事

因立嗣其薨葬國得發民輓喪穿復土治墳無過三百

人畢事

師古曰輓謂引車也畢事畢葬事也輓音晚

凶奴入燕改磔曰棄市

應劭曰先此諸死刑皆磔於市今改曰棄市自非妖逆不復磔也師古曰磔謂張其尸也棄市殺之於市也謂之棄市者取刑人於市與衆棄之也磔音竹客反勿復磔三月臨江王榮坐侵

太宗廟地徵詣中尉自殺夏四月有星孛于西北立皇

子越為廣川王寄為膠東王秋七月更郡守為太守郡

尉為都尉

師古曰更謂改其號

九月封故楚趙傅相內史前死事

者四人子

文穎曰楚相張尚太傅趙夷吾趙相建德內史王惲此四人各諫其王無使反不聽皆殺

之故封其子

皆為列侯甲戌晦日有蝕之

三年冬十一月罷諸侯御史大夫官

師古曰所以抑損其權

春正

月皇太后崩

文穎曰景帝母竇太后以帝崩後六年乃亡凡立五十二年武帝建元六年崩今此

言皇太后崩誤耳孟康曰此太后崩史記無也臣瓚曰王惲云景帝薄后以此年死疑是也當言廢后而言太后誤也師古曰孟說是也廢后夏旱禁酤酒

師古曰酤謂賣酒也

音工秋九月蝗有星孛于西北戊戌晦日有蝕之立皇

子乘為清河王



四年春三月起德陽宮

臣瓚曰是景帝廟也帝自作之諱不言廟故言宮西京故事云

景帝廟為德陽

御史大夫綰奏禁馬高五尺九寸以上齒未平

不得出關

服虔曰綰衛綰也馬十歲齒下平

夏蝗秋赦徒作陽陵者死

罪欲腐者許之

蘇林曰宮刑其創腐臭故曰腐也如淳曰腐宮刑也丈夫割勢不能復生子如

腐木不生實師古曰如說是腐音輔

十月戊午日有蝕之

劉攽曰此年記事十月在年終

亦誤

五年夏立皇子舜為常山王六月赦天下賜民爵一級

秋八月己酉未央宮東闕災更名諸侯丞相為相

師古曰亦

所以抑黜之令異於漢朝九月詔曰法令度量所以禁暴止邪也獄

人之大命死者不可復生吏或不奉法令以貨賂為市

朋黨比周

師古曰比音頻寐反

以苛為察以刻為明令亡罪者失

職朕甚憐之

師古曰職常也失其常理也

有罪者不伏罪姦法為暴

甚亡謂也諸獄疑若雖文致於法而於人心不厭者輒

讞之

師古曰厭服也音一賠反讞平議也音魚列反

六年冬十月行幸雍郊五時十二月改諸官名定鑄錢

偽黃金棄市律

應劭曰文帝五年聽民放鑄律尚未除先時多作偽金偽金終不可成而徒損

費轉相誑耀窮則起為盜賊故定其律也孟康曰民先時多作偽金故其語曰金可作世可度費損甚多而終不成民亦稍知其意犯者希師古曰雨音于具反因此定律也師古曰應說是春三月雨雪夏

四月梁王薨分梁為五國立孝王子五人皆為王五月

詔曰夫吏者民之師也車駕衣服宜稱

師古曰稱其官也音尺孕反

吏六百石以上皆長吏也

張晏曰長大也六百石位大夫

亡度者或不

吏服出入閭里與民亡異令長吏二千石車朱兩轡

應劭

曰車耳反出所以為之藩屏翳塵泥也二千石雙朱其次乃偏其左輶以簾為之或用革如導曰輜音反小車兩屏也師古曰據許慎李登說輜車之蔽也左氏傳云以藩載藥盈卽是有郭蔽之車也言車耳反出非矣輜

音甫元反輶  
音方遠反

千石至六百石朱左轡車騎從者不稱其

官衣服下吏出入閭巷亡吏體者二千石上其官屬三

輔舉不如法令者

應劭曰京兆尹左馮翊右扶風共治長安城中是為三輔師古曰時未有

京兆馮翊扶風之名此三輔者謂主爵中尉及左右內史也應說失之○劉攽曰此文參錯不序又曰武帝時

改主爵中尉為右扶風主爵中尉初不治民也自武帝以番治民者惟左右內史此時亦未有三輔此紀文誤

耳皆上丞相御史請之先是吏多軍功車服尚輕故為

設禁又惟酷吏奉憲失中廼詔有司減笞法定箠令語

在刑法志

師古曰箠音止藥反

六月囚奴入鴈門至武泉入上郡

取苑馬

如淳曰漢儀注太僕牧師諸苑三十六所分布北邊西邊以郎為苑監官奴婢三萬人養馬三

十萬疋師古曰武泉雲中之縣也養鳥獸者通名為苑故謂牧馬處為苑吏卒戰死者二千

人秋七月辛亥晦日有蝕之

後元年春正月詔曰獄重事也人有智愚官有上下獄

疑者讞有司有司所不能決移廷尉有令讞而後不當

讞者不為失

師古曰假令讞訖其理不當所讞之人不為罪失

欲令治獄者務

先寬三月赦天下賜民爵一級中二千石諸侯相爵右

庶長

如淳曰雖有尊官未必有高爵故數有賜爵師古曰右庶長第十一爵也

夏大酺五日

民得酤酒五月地震秋七月乙巳晦日有蝕之條侯周亞夫下獄死

二年冬十月省徹侯之國

晉灼曰文紀遺列侯之國今省之師古曰省音所頌反

春因奴入鴈門太守馮敬與戰死發車騎材官屯

師古曰屯

鴈門春以歲不登禁內郡食馬粟沒入之

師古曰食讀曰沒入者沒入

其馬夏四月詔曰雕文刻鏤傷農事者也錦繡纂組害女

紅者也

慈劭曰纂今五采屬綵是也組者今綬紛綵是也臣瓚曰許慎云纂亦組也師古曰瓚說是也

綵會也會五綵者今謂之錯綵非纂也

紅讀曰功綵音子內反綵音它牢反農事傷則飢之

本也女紅害則寒之原也夫飢寒並至而能亡為非者

寡矣朕親耕后親桑以奉宗廟粢盛祭服為天下先不

受獻減太官省繇賦

師古曰省音所領反繇讀曰徭

欲天下務農蠶素

有畜積以備災害

師古曰畜讀曰蓄

彊毋攘弱衆毋暴寡

師古曰攘

取也音人羊反

老耆以壽終幼孤得遂長

師古曰遂成也

今歲或不登

民食頗寡其咎安在或詐偽為吏

張晏曰以詐偽人為吏也臣瓚曰律所謂

矯枉以為吏者也師古曰二說並非也直謂詐自稱吏耳

吏以貨賂為市漁奪百姓

侵牟萬民

李奇曰牟食苗根蟲也侵牟食民比之蟬賊也師古曰漁言若漁獵之為也

縣丞

長吏也奸法與盜盜甚無謂也

李斐曰奸法因法作奸也文穎曰與盜謂盜者

當治而知情反佐與之是則共盜無異也師古曰與盜盜者共盜為盜耳

其令二千石各脩

其職不事官職耗亂者丞相以聞請其罪

師古曰耗不明也讀與耗

同音莫報反

布告天下使明知朕意五月詔曰人不患其不

知患其為詐也不患其不勇患其為暴也不患其不富

患其亡厭也其唯廉士寡欲易足今訾算十以上廼得

官服虔曰訾萬錢算百二十七也應劭曰古者疾吏之貪衣食足知榮辱限訾十算廼得為吏十算十萬也

賈人有財不得為吏廉士無訾又不得官故減廉士算訾四算得官矣師古曰訾讀與賞同他皆類此廉士算



不必衆有市籍不得官無訾又不得官朕甚怒之訾算

四得官亡令廉士久失職貪夫長利

師古曰長利長獲其利

秋大

旱

三年春正月詔曰農天下之本也黃金珠玉饑不可食

寒不可衣以為幣用不識其終始

師古曰幣者所以通有無易貴賤也

閒

歲或不登意為末者衆農民寡也其令郡國務勸農桑

益種樹可得衣食物

師古曰樹植也

吏發民若取庸采黃金珠

玉者坐臧為盜

韋昭曰發民用其民取庸用其資以雇庸

二千石聽者與同

罪皇太子冠賜民為父後者爵一級甲子帝崩于未央

宮

臣瓚曰帝年三十二卽位卽位十六年壽四十八

遺詔賜諸侯王列侯馬二

駟

師古曰八匹也

吏二千石黃金二斤吏民戶百錢出宮人歸

其家復終身

師古曰復音方目反

二月癸酉葬陽陵

臣瓚曰自崩及葬凡十日

陽陵在長安東北四十五里

贊曰孔子稱斯民三代之所以直道而行也

師古曰此論語載孔

子之辭也言此今時之人亦夏殷周之所

馭以政化淳壹故能直道而行傷今不然信哉周秦之

敝罔密文峻而姦軌不勝

師古曰不可勝

漢興掃除煩苛與民

休息至于孝文加以恭儉孝景遵業五六十載之間

至於移風易俗黎民醇厚

師古曰黎衆也醇不澆雜

周云成康漢言

文景美矣

○劉攽曰景紀以御史大夫陶青為青翟襄平侯相夫為嘉又言官有大鴻臚光祿大夫

又令三輔舉不如令者又載皇太后崩皆其錯悞者不知班氏之謬或後世亡其書有追補之者

前漢書卷五

前漢書卷五考證

景帝紀五月令田半租○臣召南按史記除田半租此

文令田半租以文帝十三年盡除田租至此年始復收其半租也

長吏二千石車朱兩轡○吏訛史從宋本改

前漢書卷五考證

謹案卷四第六頁前三行擅遣將軍灌嬰刊本擅  
訛壇今改

第九頁後二行狐之為獸刊本狐訛孤今改

卷五第五頁前三行膠西王卬刊本卬訛印今改  
第十二頁前八行訾讀與貲同刊本貲訛訾今改

[illegible]



總校官庶吉士臣張能照

校對官檢討臣王鍾健

謄錄舉人臣王旭暢

謄錄貢生臣李敬敏



欽定四庫全書

史部  
前漢書卷七

詳校官主事銜臣徐以坤



欽定四庫全書薈要卷三千七百十九

史部

前漢書卷六

漢 蘭 臺 令 史班 固撰

唐正議大夫行秘書少監琅邪縣開國子顏師古注

武帝紀第六

孝武皇帝

荀悅曰諱徹之字曰通應劭曰禮諡法威強獻德曰武

景帝中子也母

曰王美人

師古曰外戚傳美人比二千石視少上造

年四歲立為膠東王七

歲為皇太子母為皇后十六歲後三年正月景帝崩

張晏

曰武帝以景帝元年生七歲為太子為太子十歲而景帝崩時年十六矣師古曰後三年景帝後三年也甲

子太子即皇帝位尊皇太后竇氏曰太皇太后皇后曰

皇太后三月封皇太后同母弟田蚡勝皆為列侯

蘇林曰蚡

音魑鼠之魑師古曰蚡亦魑鼠字也音扶粉反

建元元年

師古曰自古帝王未有年號始起於此○劉攽曰封禪書云其後三年有司言元宜以天

瑞命不宜以一二數推所謂其後三年者蓋盡元狩六年至元鼎三年也然元鼎四年方得寶鼎又無緣先三年而稱之以此而言自元鼎以前之元皆有司所追命其實年號之起在元鼎耳故元封改元則始有詔書矣

冬十月詔丞相御史列侯中二千石二千石諸侯相舉

賢良方正直言極諫之士丞相綰

師古曰衛綰也

奏所舉賢良

或治申商韓非蘇秦張儀之言亂國政請皆罷

應劭曰申不害

韓昭侯相也衛公孫鞅為秦孝公相封於商號商君韓非韓諸公子非名也蘇秦為關東從長張儀為秦昭王相為衡說以抑諸侯李奇曰申不害書執術商鞅為法賞不失卑刑不諱尊然深刻無思德韓非兼行申商之術師古曰從音子容反奏可春二月赦天下賜民爵一級年八十

復二筭九十復甲卒

張晏曰二筭復二口之筭也復甲卒不豫革車之賦也師古曰復音

方目行三銖錢

師古曰新壞四銖錢造此錢也重如其文見食貨志

夏四月己巳

詔曰古之立教鄉里以齒朝廷以爵扶世導民莫善於

德然則於鄉里先耆艾奉高年古之道也

師古曰六十曰耆五十曰

艾

今天下孝子順孫願自竭盡以承其親外迫公事內

乏資財是以孝心闕焉朕甚哀之民年九十以上已有

受鬻法

師古曰給米粟以為康鬻鬻音之六反

為復子若孫令得身帥妻

妾遂其供養之事

師古曰若者豫及之辭也有子即復子無子即復孫也遂申也復音方目

反

五月詔曰河海潤千里其令祠官脩山川之祠為歲

事

孟康曰為農祈也於此造之歲以為常故曰為歲事也師古曰歲以為常是也總致敬耳非止祈農○劉

放曰為音于偽反謂

曲加禮

如淳曰祭禮有所加益

赦吳楚七國

為歲事曲加以禮耳

帑輸在官者

應劭曰吳楚七國反時其首事者妻子沒入為官奴婢武帝哀馬皆赦遣之也師古

曰帑讀

與弩同

秋七月詔曰衛士轉置送迎二萬人

鄭氏曰去故置新常

二萬人

其省萬人罷苑馬呂賜貧民

師古曰養馬之苑舊禁百姓不得芻牧采

樵今罷之

議立明堂遣使者安車蒲輪束帛加璧徵魯申公

師古曰以蒲裹輪取其安也

二年冬十月御史大夫趙綰坐請毋奏事太皇太后及

郎中令王臧皆下獄自殺

應劭曰禮婦人不豫政事時帝已自躬省萬機王臧儒者

欲立明堂辟雍太后素好黃老術非薄五經因欲絕奏事太后太后怒故殺之

丞相嬰太尉蚡

免師古曰寔春二月丙戌朔日有蝕之夏四月戊申有

嬰田蚡

如日夜出初置茂陵邑

應劭曰武帝自作陵也師古曰本槐里縣之茂鄉故曰茂陵

三年春河水溢于平原大饑人相食

師古曰河溢之處損害田畝故大饑

賜徙茂陵者戶錢二十萬田二頃初作便門橋

蘇林曰去長安

四十里服虔曰在長安西北茂陵東師古曰便門長安城北面西頭門即平門也古者平便皆同字於此道作橋跨渡渭水以趨茂陵其道易直即今所謂便橋是其處也便讀如本字秋七月有星孛于

西北濟川王明坐殺太傅中傅廢遷防陵

應劭曰中傅宦者也師古

曰防陵漢中縣也今謂之房州

閩越圍東甌

應劭曰高祖五年立無諸為閩越王惠帝立搖為東

海王都東甌故號東甌  
師古曰甌音一侯反

東甌告急遣中大夫嚴助持節

發會稽兵浮海救之未至閩越走兵還九月丙子晦日  
有蝕之

四年夏有風赤如血六月旱秋九月有星孛于東北

五年春罷三銖錢行半兩錢

師古曰又新鑄作也

置五經博士夏

四月平原君薨

服虔曰王皇后之母武帝外祖母

五月大蝗秋八月廣

川王越清河王乘皆薨

六年春二月乙未遼東高廟災夏四月壬子高園便殿



火

師古曰凡言便殿便室便坐者皆非正大之處所以就便安也園者於陵上作之既有正寢以象平生正

殿又立便殿為休息閑宴之處耳說者不曉其意乃解云便殿便室皆是正名斯大惑矣尋石建韋玄成孔光等傳其義可知

上素服五日五月丁亥太皇太后崩秋

便讀如本字

八月有星孛于東方長竟天閩越王郢攻南越遣大行王恢將兵出豫章大司農韓安國出會稽擊之未至越人殺郢降兵還

元光元年

臣瓚曰以長星見故為元光

冬十一月初令郡國舉孝廉

各一人

師古曰孝謂善事父母者廉謂清潔有廉隅者

衛尉李廣為驍騎將軍

屯雲中中尉程不識為車騎將軍屯鴈門六月罷夏四

月赦天下賜民長子爵一級復七國宗室前絕屬者

師古

曰此等宗室前坐七國反故絕屬今加恩赦之更令上屬籍於宗正也復音扶目反

五月詔賢良

曰朕聞昔在唐虞畫象而民不犯

應劭曰二帝但畫衣冠異章服而民不敢

犯也師古曰白虎通云畫象者其衣服象五刑也犯墨者蒙巾犯劓者以赭著其衣犯髡者以墨蒙其髡象而畫之犯宮者扉犯大辟者布衣無領墨謂以墨鯨其面也劓截其鼻也髡去膝蓋骨也宮割其陰也扉草屨也劓音牛冀反字或作劓其音同耳髡音頻忍反扉音扶味反

日月所燭莫不率俾

師古

曰燭照也率循也俾使也言皆循其貢職而可使也

周之成康刑錯不用

師古曰錯置也

音干 故反 德及鳥獸教通四海海外肅春

晉灼曰東夷傳今挹婁地是也在夫

餘之東北千餘里大海之濱師古曰周書

序云成王既伐東夷肅春來賀即謂此

北發渠搜

服虔

曰地名也應劭曰禹貢析支渠搜屬雍州在金城河關

之西西戎也晉灼曰王恢傳北發月支可得而臣似國

名也地理志朔方有渠搜縣臣瓚曰孔子三朝記云北

發渠搜南撫交趾此舉北以南為對也禹貢渠搜在雍

州西北此渠搜在朔方師古曰北發非國名也

氏羗徠服

言北方即可徵發渠搜而役屬之瓚說近是

氏羗徠服

師古曰徠古往來之

來也氏音丁奚反

星辰不孛日月不蝕山陵不崩川

谷不塞麟鳳在郊藪河洛出圖書鳴虩何施而臻此與

師古曰虩讀曰呼鳴

今朕獲奉宗廟夙興夜寐

呼嘆辭也臻至也

今朕獲奉宗廟夙興夜寐

思

師古曰夙興早起也  
夜寐夜久方寐也

若涉淵水未知所濟猗與偉與

師古曰猗美也偉大也與辭也言  
美而且大也與讀曰歟音戈於反

何行而可呂章先帝

之洪業休德

師古曰章明也  
洪大也休美也

上參堯舜下配三王

師古  
曰三

王夏殷周朕之不敏不能遠德

師古曰言德  
不及遠也

此子大夫之所

睹聞也

師古曰子者人之嘉稱大夫舉官稱也  
志在優賢故謂之子大夫也睹古觀字

賢良明

於古今王事之體受策察問咸呂書對著之于篇

師古  
曰篇

謂竹簡也朕親覽焉於是董仲舒公孫弘等出焉秋七月癸

未日有蝕之

二年冬十月行幸雍祠五時

師古曰五帝之時也

春詔問公卿曰

朕飾子女呂配單于金幣文繡賂之甚厚單于待命加

嫚侵盜亡已

師古曰待命謂承詔命也嫚與慢同

邊境被害朕甚閔之今

欲舉兵攻之何如大行王恢建議宜擊夏六月御史大

夫韓安國為護軍將軍衛尉李廣為驍騎將軍太僕公

孫賀為輕車將軍大行王恢為將屯將軍太中大夫李

息為材官將軍將三十萬衆屯馬邑谷中誘致單于欲

襲擊之單于入塞覺之走出六月軍罷將軍王恢坐首

謀不進下獄死

師古曰首為此謀而反不進擊匈奴鞏重

秋九月令民大酺

五日

三年春河水徙從頓丘東南流入渤海

師古曰頓丘丘名因以為縣本

衛地也地理志屬東郡今則在魏州界焉

夏五月封高祖功臣五人後為列

侯河水決濮陽汜郡十六

師古曰濮陽東郡之縣也水所汜及凡十六郡界也汜音

敷劔

發卒十萬救決河起龍淵宮

服虔曰宮在長安西作銅飛龍故以冠名

也如淳曰三輔黃圖云有龍淵宮今長安城西有其處溝洫志救河決亦起龍淵宮于其傍孟康曰在西平界其水可用淬刀劔特堅利古龍淵之劔取於此水師古曰黃圖云龍淵廟在茂陵東不言宮也此言救決河起

龍淵宮則宮不在長安之西矣又漢章帝賜尚書韓稜  
龍淵劍孟說是也淳音千內反○劉攽曰予謂救決河  
起龍淵宮各自一事非因救河且起宮也頗疑當云龍  
淵廟按景帝紀起德陽廟亦云德陽宮寧可復謂非德  
陽廟乎此龍淵宮  
應如黃圖所說是

四年冬魏其侯竇嬰有罪棄市

師古曰以黨灌夫也

春三月乙卯

丞相蚡薨夏四月隕霜殺草五月地震赦天下

五年春正月河間王德薨夏發巴蜀治南夷道又發卒

萬人治鴈門阻險

師古曰所以為固用止匈奴之寇○劉攽曰予謂治險阻者通道令平易

以便伐匈奴耳

秋七月大風拔木乙巳皇后陳氏廢捕為巫蠱

者皆梟首八月螟

師古曰食苗心之蟲也音莫經反

徵吏民有明當時

之務習先聖之術者縣次續食令與計偕

師古曰計者上計簿使也

郡國每歲遣詣京師上之偕者俱也令所徵之人與上計者俱來而縣次給之食後世訛誤因承此語遂總謂上計為計偕闕駟不詳妄為解說云秦漢謂諸侯朝使曰計偕偕次也晉代有計偕簿又改偕為階失之彌遠致誤後學○宋祁曰舊本正文續作給

六年冬初算商車

李奇曰始稅商賈車船令出算

春穿漕渠通渭

如淳曰水

轉運曰漕師古曰音才到反

匈奴入上谷殺畧吏民遣車騎將軍衛

青出上谷騎將軍公孫敖出代輕車將軍公孫賀出雲



中驍騎將軍李廣出鴈門青至龍城

應劭曰匈奴單于祭天大會諸國名

其處為

龍城獲首虜七百級廣教失師而還詔曰夷狄無義

所從來久間者匈奴數寇邊境故遣將撫師古者治兵

振旅因遭虜之方入將吏新會上下未輯

晉灼曰入猶還也不得已

而用兵言師不踰時也入或作人因其習俗土地之宜而教革之也師古曰晉說非也詔言古者出則治兵入則振旅素練其衆不虧戎律今之出師因遭寇虜方入為害而將吏新會上下未和故校尉棄軍而奔北也輯

與集

代郡將軍敖鴈門將軍廣所任不肖

師古曰肖似也不肖者言

無所象類謂不材之人也

校尉又背義妄行棄軍而北少吏犯禁

文頴

曰少吏小吏也

用兵之法不勤不教將率之過也教令宣明不

能盡力士卒之罪也將軍已下廷尉使理正之

師古曰下謂以

身付廷尉也理法也言以法律處正其罪下音胡稼反他皆類此

而又加法於士卒二

者並行非仁聖之心朕閔衆庶陷害欲刷恥改行

師古曰刷

除也音所劣反

復奉正義厥路亡繇

師古曰一陷重刑無因從正道也繇讀與由同

其

赦鴈門代郡軍士不循法者

師古曰循從也由也

夏大旱蝗六月

行幸雍秋匈奴盜邊遣將軍韓安國屯漁陽

元朔元年

應劭曰朔蘇也孟軻曰后來其蘇蘇息也言萬民品物大繁息也師古曰朔猶始也言更

為初始也蘇息之息  
非息生義應說失之

冬十一月詔曰公卿大夫所使總

方畧壹統類廣教化美風俗也夫本仁祖義褒德祿賢

勸善刑暴

師古曰本仁祖義  
謂以仁義為本始

五帝三王所繇昌也

師古曰五

帝伏羲神農黃帝堯舜也三  
王夏殷周也繇讀與由同

朕夙興夜寐嘉與宇內之

士臻於斯路

師古曰天地四  
方為宇臻至也

故旅耆老復孝敬

師古曰  
旅耆老

者加惠於耆老之人若賓旅也復孝敬  
者謂優復孝弟之人也復音方目反

選豪俊講文學

師古曰講  
謂和習之

稽參政事祈進民心

師古曰  
祈求也

深詔執事興廉

舉孝庶幾成風紹休聖緒

師古曰休美也緒業也言紹  
先聖之休緒也故下言昭先

帝聖緒

夫十室之邑必有忠信三人並行厥有我師

師古曰論

語稱孔子云十室之邑必有忠信如丘者焉又曰三人

行必有我師焉擇其善者而從之其不善者而改之故

詔引今或至闔郡而不薦一人

師古曰闔閉也總一郡之中故云闔郡

是

化不下究而積行之君子雍於上聞也

師古曰究竟也言見壅遏不得

聞達於天子也雍讀曰壅

二千石官長紀綱人倫

師古曰謂郡之守尉縣之令長

將

何以佐朕燭幽隱勸元元

師古曰燭照也元元善意

厲蒸庶

師古曰蒸衆也

崇鄉黨之訓哉且進賢受上賞蔽賢蒙顯戮古之道也

其與中二千石禮官博士議不舉者罪有司奏議曰古

者諸侯貢士壹適謂之好德

服虔曰適得其人

再適謂之賢賢

三適謂之有功迺加九錫

應劭曰一曰車馬二曰衣服三曰樂器四曰朱戶五曰納

陛六曰虎賁百人七曰鈇鉞八曰弓矢九曰秬鬯此皆天子制度尊之故事事錫與但數少耳張晏曰九錫經本無文周禮以為九命春秋說有之臣瓚曰九錫備物伯者之盛禮齊桓晉文猶不能備今三進賢便受之似不然也當受進賢之一錫尚書大傳云三適謂之有功賜以車服弓矢是也師古曰總列九錫應說是也進賢

一錫瓚

不貢士壹則黜爵再則黜地三則黜爵地畢矣

說也是也

李奇曰爵地俱削盡

夫附下罔上者死附上罔下者刑與聞國政

而無益於民者斥

師古曰與讀曰豫斥謂棄逐之

在上位而不能進賢

者退此所以勸善黜惡也今詔書昭先帝聖緒令二千

石舉孝廉所以化元元移風易俗也不舉孝不奉詔當

以不敬論

張晏曰謂其不勤求士報國

不察廉不勝任也當免

張晏曰當

率身化下今親宰牧而無賢人為不勝任也

奏可十二月江都王非薨春三

月甲子立皇后衛氏詔曰朕聞天地不變不成施化陰

陽不變物不暢茂

師古曰暢通也

易曰通其變使民不倦

應劭曰黃

帝堯舜祖述伏羲神農結網耒耜以日中為市交易之業因其所利變而通之使民知之不苦倦也師古曰此易下繫之辭也言通物之變故能樂其器用不懈倦也

詩云九變復貫知言之選

應劭曰逸詩也陽數九人君當陽言變政復禮合於先王舊貫知言之選選善也孟康曰貫道也選數也極天之變而不失道者知言之數也臣瓚曰先王創制易教以救流弊也是以三王之教有文有質九數之多也師古曰貫事也選擇也論語曰仍舊貫此言文質不同寬猛殊用循環復舊擇善而從之瓚說近之也朕嘉唐虞而樂殷周據舊呂鑒新

師古曰追觀舊跡以知新政而為鑒戒

其赦

天下與民更始諸逋貸及辭訟在孝景後三年呂前皆

勿聽治

師古曰逋亡也久負官物亡匿不還者皆謂之逋逋音布胡反

秋匈奴入遼西

殺太守入漁陽鴈門敗都尉殺畧三千餘人遣將軍衛

青出鴈門將軍李息出代獲首虜數千級東夷歲君南

閭等口二十八萬人

服虔曰穢弱在辰韓之北高句麗沃沮之南東窮于大海晉灼曰穢

古穢字師古曰南閭者穢君之名

降為蒼海郡魯王餘長沙王發皆薨

二年冬賜淮南王菑川王几杖毋朝

師古曰淮南王安菑川王志皆武帝

諸父列也故

春正月詔曰梁王城陽王親慈同生

文穎曰慈

賜几杖焉

愛也願呂邑分弟其許之諸侯王請與子弟邑者朕將親

覽使有列位焉於是藩國始分而子弟畢侯矣匈奴入

上谷漁陽殺畧吏民千餘人遣將軍衛青李息出雲中

至高闕

師古曰山名也一日塞名也在朔方之北

遂西至符離

師古曰幕北塞名也

獲



首虜數千級收河南地置朔方五原郡三月己亥晦日  
有蝕之夏募民徙朔方十萬口又徙郡國豪傑及訾三  
百萬呂上于茂陵秋燕王定國有罪自殺

三年春罷蒼海郡三月詔曰夫刑罰所呂防姦也內長

文所呂見愛也

晉灼曰長音長吏之長張晏曰長文長文德也師古曰詔言有文德者即親內

而崇長之所以見仁愛之道見謂顯示也音胡電反

呂百姓之未洽于教化朕嘉

與士大夫日新厥業祗而不解

師古曰解讀曰懈

其赦天下夏

匈奴入代殺太守入鴈門殺畧千餘人六月庚午皇太

后崩秋罷西南夷城朔方城令民大酺五日

四年冬行幸甘泉夏匈奴入代定襄上郡殺畧數千人

五年春大旱大將軍衛青將六將軍兵十餘萬人出朔

方高闕獲首虜萬五千級夏六月詔曰蓋聞導民以禮

風之呂樂

師古曰風教也詩序曰上以風化下

今禮壞樂崩朕甚閔焉故

詳延天下方聞之士咸薦諸朝

師古曰詳悉也延引也方道也聞博聞也言悉

引有道博聞之士而進於朝也禮記曰隆禮由禮謂之有方之士又曰博聞強識而讓謂之君子一曰方謂方

正其令禮官勸學講議洽聞舉遺興禮呂為天下先

師古

曰舉遺逸之  
文而興禮學

太常其議予博士弟子崇鄉黨之化呂厲

賢材焉

師古曰為博士置弟子既得崇  
化於鄉黨又呂獎厲賢材之人

丞相弘請為博

士置弟子員

師古曰  
公孫宏

學者益廣秋匈奴入代殺都尉

六年春二月大將軍衛青將六將軍兵十餘萬騎出定

襄斬首三千餘級還休士馬于定襄雲中鴈門赦天下

夏四月衛青復將六將軍絕幕

應劭曰幕沙幕匈奴之  
南界也臣瓚曰沙土曰

幕直度曰絕師古曰應瓚二說皆是也而說者或云是  
塞外地名非矣幕者即今之突厥中磧耳李陵歌曰經  
千里兮  
渡沙幕

大克獲前將軍趙信軍敗降匈奴右將軍蘇建

亡軍獨身脫還贖為庶人六月詔曰朕聞五帝不相復

禮三代不同法所繇殊路而建德一也

師古曰復因也音扶目反繇讀

與由

蓋孔子對定公曰來遠

臣瓚曰論語及韓子皆言葉公問政於孔子孔子答

以悅近來遠今云定公與二書異

哀公曰論臣

如淳曰韓非云哀公問政仲尼曰政在選賢

景公曰節用

如淳曰韓非云齊景公問政仲尼曰政在節用

非期不同所急異

務也

李奇曰期要也非要當必不同所急異務不得不然

今中國一統而北邊未

安朕甚悼之日者大將軍巡朔方征匈奴斬首虜萬八

千級諸禁錮及有過者咸蒙厚賞得免減罪

師古曰有罪者或被

釋免或得減輕

今大將軍仍復克獲

師古曰仍頻也

斬首虜萬九千級

受爵賞而欲移賣者無所流貶

應劭曰貶音移言軍吏士斬首虜爵級多無所

移與今為置武功賞官爵多者分與父兄子弟及賣與他人也師古曰此說非也許慎說文解字云貶物之重次第也此詔言欲移賣爵者無有差次不得流行故為置官級也貶音弋賜反今俗猶謂凡物一重為一貶也

○宋祁曰貶音難易之易

其議為令有司奏請置武功賞官呂寵戰

士

元狩元年

應劭曰獲白麟因改元曰元狩也

冬十月行幸雍祠五畤獲

白麟

師古曰麟麋身牛尾馬足黃色圈蹄一角角端有肉

作白麟之歌十一月淮

南王安衡山王賜謀反誅黨與死者數萬人十二月大

雨雪民凍死

師古曰雨音于具反

夏四月赦天下丁卯立皇太子

賜中二千石爵右庶長

師古曰第十一等爵

民為父後者一級詔

曰朕聞咎繇對禹曰在知人知人則哲惟帝難之

師古曰尚

書咎繇謨載咎繇之辭也帝謂堯也

蓋君者心也民猶支體支體傷則心

慤怛

師古曰慤痛也怛悼也慤音千感反怛音丁曷反

日者淮南衡山脩文學

流貨賂兩國接壤怵於邪說

服虔曰怵音裔應劭曰怛怵也如淳曰怵音怵惕見

誘怵於邪說也師古曰作怵者非如說云見誘怵其義是也而音怵惕又非也怵或體誅字耳誅者誘也音如

戊亥之戌南越傳曰不可怵好語入朝諸如此例音義同耳今俗猶云相謾誅而說者或改為鉢導之鉢蓋穿鑿也謾音先而造篡弑此朕之不德詩云憂心慘慘念誘反鉢音述

國之為虐

師古曰小雅正月之詩也慘慘憂戚之貌

已赦天下滌除與之更

始朕嘉孝弟力田哀夫老眊孤寡鰥獨

師古曰眊古耄字八十曰耄耄

老稱也一日眊不明之貌

或匱於衣食甚憐愍焉其遣謁者巡行天

下存問致賜

師古曰致送至也行音下更反

曰皇帝使謁者

師古曰謁者令使者

宣詔書之文

賜縣三老孝者帛人五匹鄉三老孝者力田帛

人三匹年九十以上及鰥寡孤獨帛人二匹絮三斤八

十呂上米人三石有寃失職使者呂聞

師古曰職常也失職者失其常

業及常理也

縣鄉即賜毋贅聚

如淳曰贅會也令勿擅徵召贅聚三老孝弟力田也師古

曰即就也各遣就其所居而賜之勿會聚也贅音之銳反

五月乙巳晦日有蝕之勾

奴入上谷殺數百人

三年冬十月行幸雍祠五時春三月戊寅丞相弘薨遣

驃騎將軍霍去病出隴西至臯蘭

應劭曰在隴西白石縣塞外河名也孟康

曰山關名也師古曰臯蘭山名也霍去病傳云過焉支山千有餘里合短兵鏖臯蘭下則此山也非河名也白石縣在金城又不屬隴西

應說並失之鏖音烏曹反

斬首八千餘級夏馬生余吾



水中

應劭曰在朔方北也

南越獻馴象

應劭曰馴者教能拜起周章從人意也師古曰馴音

巡謂擾也

能言鳥

師古曰即鸚鵡也今隴西及南海並有之萬震南州異物志云有三種一

應說是也

種白一種青一種五色交州以南諸國盡有之白及五

色者其性尤慧解蓋謂此也隋開皇十八年林邑國獻

白鸚鵡時以為異是歲貢士咸試賦之聖皇

將軍去病

馭歷屢有茲獻上以幽遐勞費撫慰弗受

公孫敖出北地二千餘里過居延

師古曰居延匈奴中地名也韋昭以為張

掖縣失之張掖所置居延縣者

斬首虜三萬餘級匈奴

以安處所獲居延人而置此縣

入鴈門殺畧數百人遣衛尉張騫郎中令李廣皆出右

北平廣殺匈奴三千餘人盡亡其軍四千人獨身脫還

○劉欽曰廣傳無此事而云廣軍幾沒以自當無賞耳疑紀誤

及公孫敖張騫皆後期

當斬贖為庶人江都王建有罪自殺膠東王寄薨秋匈

奴昆邪王殺休屠王

師古曰昆音下門反屠音儲

并將其衆合四萬

餘人來降置五屬國呂處之

師古曰凡言屬國者存其國號而屬漢朝故曰屬國

呂其地為武威酒泉郡

師古曰武威今涼州也酒泉今肅州

三年春有星孛于東方夏五月赦天下立膠東康王少

子慶為六安王封故相國蕭何曾孫慶為列侯秋匈奴

入右北平定襄殺畧千餘人遣謁者勸有水災郡種宿

麥

師古曰秋冬種之經歲乃熟故云宿麥

舉吏民能假貸貧民者以名聞

師古曰貸音吐戴反

減隴西北地上郡戍卒半發謫吏穿昆明池

如淳曰食貨志以舊吏弄法故謫使穿池更發有賢者為吏也臣瓚曰西南夷傳有越雋昆明國有滇池方三百里漢使求身毒國而為昆明所閉今欲代之故作昆明池象之以習水戰在長安西南周回四十里食貨志又曰時越欲與漢用船戰遂乃大修昆明池也師古曰謫吏吏有罪者罰而役之滇音顛

四年冬有司言關東貧民徙隴西北地西河上郡會稽

凡七十二萬五千口縣官衣食振業用度不足請收銀

錫造白金及皮幣以足用

應劭曰時國用不足以白鹿皮為幣朝覲以薦璧又造銀

錫為白金  
見食貨志

初筭緡錢

李斐曰緡絲也以貫錢也一貫千錢出筭二十也臣瓚曰茂陵書諸

賈人未作貫貸置居邑儲積諸物及商以取利者雖無市籍各以其物自占率緡錢二千而一筭此緡錢是儲錢也故隨其用所施施於利重者其筭亦多也師古曰謂有儲積錢者計其緡貫而稅之李說為是緡音武巾

反

春有星孛于東北夏有長星出于西北大將軍衛青

將四將軍出定襄將軍去病出代各將五萬騎步兵踵

軍後數十萬人

師古曰踵接也猶言躡其踵

青至幕北圍單于斬首

萬九千級至闐顏山乃還

鄧展曰音填塞之填

去病與左賢王戰

斬獲首虜七萬餘級封狼居胥山廼還

師古曰登山祭天築土為封刻

石紀事以彰漢功

兩軍戰士死者數萬人前將軍廣後將軍食

其皆後期廣自殺食其贖死

如淳曰李廣傳引兵與右將軍食其合軍出東道又

曰廣自剄右將軍下吏當死贖為庶人霍去病傳亦云趙食其為右將軍平陽侯襄為後將軍此紀為誤也師古曰傳寫者誤以右為後食其音異基

五年春三月甲午丞相李蔡有罪自殺

文穎曰李廣從弟坐侵陵墾地

天下馬少平牡馬匹二十萬

如淳曰貴平牡馬賈欲使人競畜馬

罷半兩

錢行五銖錢徙天下姦猾吏民於邊

師古曰猾狡也音乎八反

六年冬十月賜丞相呂下至吏二千石百金千石呂下

至乘從者帛

晉灼曰乘騎諸從者師古曰流俗書本乘上或有公字非也後人妄加之○宋祁曰

百金新本無百字

蠻夷錦各有差雨水亡冰

師古曰雨音于具反

夏四月

乙巳廟立皇子閔為齊王旦為燕王胥為廣陵王

師古曰於

廟中策

初作誥

服虔曰誥勅王如尚書諸誥也李斐曰今勅封拜諸侯王策文亦是也見武五

子傳六月詔曰日者有司以幣輕多姦

李奇曰幣錢也輕者若一馬直二十

萬是為幣輕而物重也重難得則用不足而姦生

農傷而末眾

師古曰末謂工商也

又禁

兼并之塗

李奇曰謂大家兼役小民富者兼役貧民欲平之也文穎曰兼并者食祿之家不得治產

兼取小民之利商人雖富不得復兼畜田宅作客耕農也師古曰李說是

故改幣呂約之

李奇

曰更去半兩錢行五銖錢皮幣以檢約姦邪

稽諸往古制宜於今

師古曰稽考也音工

奚廢期有月

應劭曰禁半兩錢及餘幣物禁之有期月而民未悉從也如淳曰期音朞自往年三

月至今年四月朞有餘月矣師古曰如說是

而山澤之民未諭

師古曰未諭者未曉告示

之意夫仁行而從善義立則俗易意奉憲者所呂導之未

明與

師古曰與讀曰歟

將百姓所安殊路而橋虔吏因乘執呂

侵蒸庶邪

孟康曰虔固也矯稱上命以貨賄用為固尚書曰寇攘矯虔韋昭曰凡稱詐為矯強取為

虔左傳曰虔劉我邊垂師古曰矯與矯同其字從手矯託也虔固也妄託上命而堅固為邪惡者也蒸衆也

何紛然其擾也

師古曰擾煩也

今遣博士大等六人分循行天

下

師古曰褚大也  
行音下更反

存問鰥寡廢疾無呂自振業者貸與

之

師古曰貸  
音士戴反

諭三老孝弟呂為民師舉獨行之君子徵

詣行在所

如淳曰蔡邕云天子以天下為家自謂所居  
為行在所言今雖在京師行所在至耳師古

曰此說非也天子或在京師或出巡狩不可豫  
定故言行在所耳不得亦謂京師為行在也

朕嘉賢

者樂知其人廣宣厥道士有特招使者之任也

李奇曰  
設士有

殊才異行當特招者

詳問隱處亡位及寃失職

師古曰  
無位不

任在使者分別之

被任用也寃屈也

姦猾為害野荒治苛者舉奏

師古曰  
野荒言

失職失其常業也

田畝不闢也治

苛為政尚細刻

郡國有所呂為便者上丞相御史呂聞



秋九月大司馬驃騎將軍去病薨

元鼎元年

應劭曰得寶鼎故因是改元

夏五月赦天下大酺五日得

鼎汾水上濟東王彭離有罪廢徙上庸

應劭曰春秋時庸國

二年冬十一月御史大夫張湯有罪自殺十二月丞相

青翟下獄死

師古曰莊青翟

春起栢梁臺

服虔曰用百頭梁作臺因名焉師古曰三

輔舊事云以香栢為之今書字皆作栢服說非也

三月大雨雪

師古曰雨音于具反

夏大

水關東餓死者呂千數秋九月詔曰仁不異遠義不辭

難

師古曰遠近如一是一是為仁也不憚艱難是為義也

今京師雖未為豐年山林

池澤之饒與民共之今水潦移於江南迫隆冬至朕懼

其饑寒不活江南之地火耕水耨

應劭曰燒草下水種稻草與稻並生高七八寸因悉芟去復下水灌之

草死獨稻長所謂火耕水耨

方下巴蜀之粟致之江陵

遣博士中等分循行

師古曰行音下更反

諭告所抵無令重困

師古

曰抵至也重音直用反

吏民有振救饑民免其危者具舉以聞

三年冬徙函谷關於新安

應劭曰時樓船將軍楊僕數有大功恥為關外民上書乞

徙東關以家財給其用度武帝意亦好

呂故關為弘農

縣十一月令民告緡者呂其半與之

孟康曰有不輸稅令民得告言以半

與

正月戊子陽陵園火夏四月雨雹

師古曰雨音于具反

關東郡

國十餘饑人相食常山王舜薨子敦嗣立有罪廢徙房

陵

四年冬十月行幸雍祠五時賜民爵一級女子百戶牛

酒行自夏陽東幸汾陰

師古曰夏陽馮翊之縣也汾陰屬河東汾音扶云反

十一

月甲子立后土祠于汾陰雕上

蘇林曰雕音誰如淳曰雕者河之東岸特堆掘

長四五里廣二里餘高十餘丈汾陰縣治雕之上后土祠在縣西汾在雕之北西流與河合師古曰二說皆是也雕者以其形高起如人尻雕故以名云一說此臨汾水之上地本名鄧音與葵同彼鄉人呼葵音如誰故轉

而為睢字耳故  
漢舊儀云葵上

禮畢行幸滎陽還至洛陽詔曰祭地冀

州

服虔曰后土祠在汾陰汾陰本冀州地也周時乃分為荊州爾雅曰兩河間曰冀州

瞻望河洛

巡省豫州觀于周室邈而無祀

師古曰邈遠絕之意

詢問耆老廼

得孽子嘉

○宋祁曰景德本無子字

其封嘉為周子南君呂奉周祀

臣瓚曰汲冢古文謂衛將軍太子為子南彌牟其後有子南國子南勁紀年勁朝于魏後惠成王如衛命子南為侯泰并六國衛最後亡疑嘉是衛後故氏子南而稱君也初元五年為周承休侯元始四年為鄭公建武十三年封於觀為衛公師古曰子南其封邑之號以為周後故總言周子南君瓚說非也創不先言姓而後稱君且自嘉已下皆姓姬氏著在史傳○宋祁曰注本舊春文作元始三年建武三年此本乃刊誤據平紀改正

二月中山王勝薨夏封方士藥大為樂通侯位上將軍

六月得寶鼎后土祠旁秋馬生渥洼水中

李斐曰南陽新野有暴利

長當武帝時遭刑屯田燉煌界數於此水旁見羣野馬中有奇異者與凡馬異未飲此水利長先作土人持勒鞞於水旁後馬玩習久之代土人持勒鞞收得其馬獻之欲神異此馬云從水中出蘇林曰洼音室曲之室師古曰渥音握

注音於佳反作寶鼎天馬之歌立常山憲王子商為泗

水王

五年冬十月行幸雍祠五畤遂踰隴

應劭曰隴隴阨坂也師古曰即今之

隴山阨音

登空同

應劭曰山名也

西臨祖厲河而還

李斐曰音嗟賴

十

一月辛巳朔旦冬至立泰時于甘泉天子親郊見

師古曰祠

太一也見音胡電反朝日夕月

應劭曰天子春朝日秋夕月朝日以朝夕月以夕臣瓚曰漢儀注郊

泰時皇帝平旦出竹宮東向祈日其夕西南向揖月便用郊日不用春秋也師古曰春朝朝日秋暮夕月蓋常禮也郊泰時而揖日月此又別儀詔曰朕呂眇身託于王侯之上

師古曰眇

細末也德未能綏民

師古曰綏安也

民或饑寒故巡祭后土呂祈

豐年冀州睢壤迺顯文鼎獲薦於廟

師古曰得鼎祠旁祠在睢上或云睢

壤壤謂土也文鼎言其有刻鏤之文

渥洼水出馬朕其御焉戰戰兢兢懼

不克任思昭天地內惟自新詩云四牡翼翼呂征不服

親省邊垂用事所極

李斐曰極至也所至者輒祭也師古曰逸詩也○劉攽曰予謂親省

邊垂詔

望見泰一脩天文禮

文穎曰禮祭也晉灼曰禮古禪字也臣瓚曰此年初

語耳

祭泰畤於甘泉此祭天於文禮也祭天則天文從故曰脩天文禮也師古曰文晉二說是也朝日夕月即天文

禮之謂也

辛卯夜若景光十有二明易曰先甲三日後甲三

日

應劭曰先甲三日辛也後甲三日丁也言王者齊戒必自新臨事必自丁寧師古曰此易蠱卦之辭朕

甚念年歲未咸登

師古曰登謂百穀成

飭躬齊戒

師古曰飭整也讀與敕同

丁

酉拜況于郊

師古曰況賜也辛夜有光是先甲三日也丁日拜況是後甲三日也故詔引易文

夏四月南越王相呂嘉反殺漢使者及其王王太后赦

天下丁丑晦日有蝕之秋鼃蝦蟆鬪

師古曰鼃龜也似蝦蟆而長脚其色

青音下 蝸反 蝦音遐

蟇音麻 龜音莫 幸反

遣伏波將軍路博德出桂陽下湟

水樓船將軍楊僕出豫章下湟水

鄭氏曰湟音檉孟康曰湟音貞蘇林曰湟

音檉柱之檉師古曰

蘇音是也音丈庚反

歸義越侯嚴為戈船將軍出零陵

下離水

張晏曰嚴故越人降為歸義侯越人於水中負人船又有蛟龍之害故置戈於船下因以為名

也臣瓚曰伍子胥書有戈船以載干戈因謂之戈船也離水出零陵師古曰以樓船之例言之則非為載干戈

也此蓋船下安戈戟以御蛟龍水蟲之害張說近之○劉攽曰船下安戈既難措置又不可以行且今造舟船

甚多未嘗有置戈者顏北人不知行船故信張說予謂瓚說是○宋祁曰戈船將軍當時所建之官如驃騎虎



牙之類是也戈船今有之設干戈於船上以禦敵也

甲為下瀨將軍下蒼梧

服虔曰甲

故越人歸漢者也臣瓚曰瀨湍也吳越謂之瀨中國謂之磧伍子胥書有下瀨船師古曰瀨音賴○宋祁曰注

文吳越舊本作吳楚

皆將罪人江淮呂南樓船十萬人越馳義侯

遺

應劭曰亦越人也

別將巴蜀罪人發夜郎兵下牂柯江咸會

番禺

如淳曰番禺尉佗所都師古曰即今之廣州○宋祁曰刊本誤改禺作愚

九月列侯

坐獻黃金酎祭宗廟不如法奪爵者百六人丞相趙周

下獄死

服虔曰因八月獻酎祭宗廟時使諸侯各獻金來助祭也如淳曰漢儀注諸侯王歲以戶口酎

黃金於漢廟皇帝臨受獻金金少不如斤兩色惡王削縣侯免國臣瓚曰食貨志南越反時卜式上書願死之

天子下詔褒揚布告天下天下莫應列侯以百數莫求  
從軍至酎飲酒少府省金而列侯坐酎金失侯者百餘  
人而表云趙周坐為丞相知列侯酎金輕下獄自殺然  
則知其輕而不糾擿之也師古曰酎三重釀醇酒也音  
反大救樂通侯樂大坐誣罔要斬西羗衆十萬人反與匈

奴通使攻故安圍枹罕

鄧展曰枹音鉢罕音漢師古曰枹罕金城之縣也罕讀如本字

匈奴入五原殺太守

六年冬十月發隴西天水安定騎士及中尉河南河內  
卒十萬人遣將軍李息郎中令徐自為征西羗平之行

東將幸緱氏

師古曰河南縣也緱音工侯反

至左邑桐鄉

師古曰左邑河東之縣也

桐鄉其鄉名也

聞南越破呂為聞喜縣春至汲新中鄉

師古曰汲河內

縣新中其鄉名

得呂嘉首呂為獲嘉縣馳義侯遺兵未及下上

便令征西南夷平之

師古曰便音頻面反

遂定越地呂為南海蒼

梧鬱林合浦交趾九真日南珠厓儋耳郡

應劭曰二郡在大海中崖

岸之邊出真珠故曰珠厓儋耳者種大耳渠率自謂王者耳尤緩下肩三寸張晏曰異物志二郡在海中東西

千里南北五百里珠厓言珠若崖矣儋耳之云鏤其頰皮上連耳匡分為數支狀似雞腸累耳下垂臣瓚曰茂

陵書珠崖郡治驩都去長安七千三百二十四里儋耳去長安七千三百六十八里領縣五師古曰儋音丁甘

反字本作瞻驩音審

定西南夷呂為武都牂柯越雋沈黎文山郡

孟康曰雋音髓本邛都服虔曰今蜀郡北部都尉所治  
本笮都也臣瓚曰茂陵書沈黎治笮都去長安三千三  
百三十五里領縣二十一應劭曰  
文山今蜀郡崐山本冉駹是也  
秋東越王餘善反攻

殺漢將吏遣橫海將軍韓說中尉王溫舒出會稽

師古曰說

讀曰悅

樓船將軍楊僕出豫章擊之又遣浮沮將軍公孫

賀出九原

臣瓚曰浮沮井名在匈奴中去九原二千里見漢輿地圖師古曰沮音子閭反

匈奴

將軍趙破奴出令居

臣瓚曰匈奴水名在匈奴中去令居千里見匈奴傳師古曰令音鈴

皆二千餘里不見虜而還迺分武威酒泉地置張掖敦

煌郡

師古曰敦音徒門反

徙民以實之

元封元年

應劭曰始封泰山故改元

冬十月詔曰南越東甌咸伏其

辜西蠻北夷頗未輯睦

師古曰輯與集同集和也

朕將巡邊垂擇兵

振旅躬秉武節置十二部將軍親帥師焉行自雲陽北

歷上郡西河五原出長城北登單于臺至朔方臨北河

勒兵十八萬騎旌旗徑千餘里威振匈奴遣使者告單

于曰南越王頭已縣於漢北闕矣單于能戰天子自將

待邊不能亟來臣服

師古曰亟急也音居力反

何但亡匿幕北寒苦

之地為匈奴驚焉

師古曰驚失氣也音之涉反

還祠黃帝於橋山

應劭

曰在上郡周陽縣有黃帝冢

迺歸甘泉東越殺王餘善降詔曰東越

險阻反覆為後世患遷其民於江淮間遂虛其地春正

月行幸緱氏詔曰朕用事華山至於中嶽

文穎曰嵩高也在潁川陽

城獲駁廐見夏后啟母石

應劭曰啟生而母化為石文穎曰在嵩高山下師古曰啟

夏禹子也其母塗山氏女也禹治鴻水通輶轅山化為熊謂塗山氏曰欲餉聞鼓聲乃來禹跳石誤中鼓塗山氏往見禹方作熊慙而去至嵩高山下化為石方生啟禹曰歸我子石破北方而啟生事見淮南子景帝諱啟今此詔云啟母蓋史追書之非當時文○劉攽曰此石本名啟母石武帝避景諱更號夏后母石後人又誤重出啟字非史之追書也

翌日親登崇嵩

應劭曰翌明也○宋初曰新本作登嵩高

御史

乘屬在廟旁吏卒咸聞呼萬歲者三

服虔曰乘同乘屬官屬也如淳曰漢

儀注御史亦有屬晉灼曰天子出御史除一人為乘曹

護車駕荀悅曰萬歲山神稱之也應劭曰嵩高縣有上

中下萬歲里師古曰乘屬如

登禮罔不答

師古曰罔無也言登禮於

晉二說是也乘音食證反

神無不

其令祠官加增太室祠

韋昭曰嵩高山有太室少室之山山有石室故

答應

以名

禁無伐其草木呂山下戶三百為之奉邑名曰崇

高

師古曰謂之崇者示尊崇之奉音扶用反

獨給祠復亡所與

師古曰復音方目反與讀

預曰行遂東巡海上夏四月癸卯上還登封泰山

孟康曰王者功

成治定告成功於天封崇也助天之高也刻石紀號有金策石函金泥玉檢之封焉應劭曰封者壇廣十二丈

高二丈階三等封於其上示增高也刻石紀績也立石  
三丈一尺其辭曰事天以禮立身以義事親以孝育民  
以仁四守之內莫不為郡縣四夷八蠻咸來貢職與天  
無極人民蕃息天祿永得尚玄酒而俎生魚下禪梁父  
祀地主示增廣此古制也武帝封廣丈二  
尺高九尺其下則有滕書秘語在郊祀志  
降坐明堂臣  
曰郊祀志初天子封太山太山東北陞古時有  
明堂處則此所坐者也明年秋乃作明堂耳  
詔曰朕

臣恥身承至尊

師古曰微細也

兢兢焉惟德菲薄不明于禮

樂

師古曰菲亦薄也音敷尾反又音靡

故用事八神

文穎曰武帝祭太一并祭名山於太壇西

南開除八通鬼道故言用事八神也一曰八方之神○  
劉歆曰八神則郊祀志所說天主地主兵主陰主陽主  
日主月主四時主也其祠皆在齊地故  
始皇東遊海上行禮祠之而武帝亦然  
遭天地況施應



曰況賜也施與也言天  
地神靈乃賜我瑞應

著見景象屑然如有聞

臣瓚曰聞呼萬

歲者三是也○宋祁曰姚本云屑先結反與  
屑同說文云動作切切也一日敬也又潔也

震于怪物

欲止不敢遂登封泰山至于梁父然後升禋肅然

服虔曰增

天之高歸功於天禪闡也廣土地也肅然山名也在梁  
父張晏曰天高不可及於泰山上立封又禪而祭之冀  
近神靈也師古  
曰父讀曰甫

自新嘉興士大夫更始其呂十月為元

封元年行所巡至博奉高蛇丘歷城梁父

鄭氏曰蛇音移

民田

租逋賦貸已除

師古曰逋賦未出賦者也逋貸官以物貸之而未還也貸音吐戴反

加年

七十呂上孤寡帛人二匹四縣無出今年筭

師古曰自博至梁父

凡五縣今云四縣毋出筭者奉  
高一縣素以供神非筭限也

賜天下民爵一級女子

百戶牛酒行自泰山復東巡海上至碣石

文穎曰在遼西  
系縣系縣

今罷屬臨榆北石著海旁師古曰碣碣然特立  
之貌也音其列反○宋祁曰系縣舊作參非

自遼西

歷北邊九原歸于甘泉秋有星孛于東井又孛于三台

齊王閼薨

二年冬十月行幸雍祠五時春幸緱氏遂至東萊夏四

月還祠泰山至瓠子臨決河

服虔曰瓠子隄名也在東  
郡白馬蘇林曰在鄆城以

南濮陽以北廣  
百步深五丈

命從臣將軍呂下皆負薪塞河隄作瓠

子之歌赦所過徒賜孤獨高年米人四石還作甘泉通

天臺長安飛廉館

應劭曰飛廉神禽能致風氣者也明帝永平五年至長安迎取飛廉并銅

馬置上西門外名平樂館董卓悉銷以為錢晉灼曰身似鹿頭如鸞有角而蛇尾文如豹文師古曰通天臺者言此臺高上通於天也漢舊儀云高三十大望見長安城朝鮮王攻殺遼東都尉迺

篡天下死罪擊朝鮮六月詔曰甘泉宮內中產芝九莖

連葉

應劭曰芝芝草也其葉相連如淳曰瑞應圖王者敬事耆老不失舊故則芝草生師古曰內中謂後

庭之室也故云不異下房

上帝博臨不異下房賜朕弘休

師古曰上帝天也博

廣也弘大也休美也言天廣臨不以下房為幽側而隔異之賜以此芝是大美也

其赦天下賜

雲陽都百戶牛酒

晉灼曰雲陽甘泉黃帝以來祭天園丘處也武帝常以避暑有宮觀故稱

都也師古曰此說非也都謂縣之所居在宮側者耳賜不偏其境內故指稱其都非謂天子之都也若以有宮觀稱都則非作芝房之歌秋作明堂于泰山下遣樓船

將軍楊僕左將軍荀彘將應募罪人擊朝鮮

應劭曰樓船者時欲

擊越非水不至故作大船上施樓也

又遣將軍郭昌中郎將衛廣發巴蜀

兵平西南夷未服者呂為益州郡

三年春作角抵戲

應劭曰角者角技也抵者相抵觸也文穎曰名此樂為角抵者兩兩相當

角力角技藝射御故名角抵蓋雜技樂也巴俞戲魚龍蔓延之屬也漢後更名平樂觀師古曰抵者當也非謂

抵觸文  
說是也

三百里內皆來觀夏朝鮮斬其王右渠降

師古曰右

渠朝鮮

呂其地為樂浪臨屯玄菟真番郡

臣瓚曰茂陵書臨屯郡治

王名

東腕縣去長安六千一百三十八里十五縣真番郡治

雲縣去長安七千六百四十里十五縣師古曰樂音洛

浪音郎番音普安反腕

樓船將軍楊僕坐失亡多免為

音戈支反雲音丈甲反

庶民左將軍荀彘坐爭功棄市

師古曰棄市殺之於市也解在景紀

秋七

月膠西王端薨武都氐人反分徙酒泉郡

師古曰不盡徙

四年冬十月行幸雍祠五時通回中道

應劭曰回中在安定高平有險

阻蕭關在其北通治至長安也孟康曰回中在北地有險山陰武帝故宮如淳曰三輔黃圖云回中宮在汧也師

古曰回中在安定北通蕭關應說是也而云治道至長安非也蓋自回中通道以出蕭關蓋如二家皆失之矣

回中宮在汧者或取安定遂北出蕭關如淳曰匈奴傳入朝那蕭關蕭

關在安定歷獨鹿鳴澤服虔曰獨鹿山名也鳴澤澤名也皆在涿郡迺縣北界也自

代而還幸河東春三月祠后土詔曰朕躬祭后土地祇

見光集于靈壇一夜三燭服虔曰燭音注師古曰燭謂照也讀如本字幸中

都宮殿上見光師古曰中都其赦汾陰夏陽中都死罪呂

下賜三縣及楊氏皆無出今年租賦師古曰楊氏河東聚邑名夏大

旱民多暍死如淳曰暍音謁師古曰中熱而死也秋呂匈奴弱可遂臣服

廼遣使說之單于使來死京師匈奴寇邊遣拔胡將軍

郭昌屯朔方

五年冬行南巡狩至于盛唐

文穎曰案地理志不得疑當在廬江左右縣名也韋

昭曰在南郡師古曰韋說是也

望祀虞舜于九嶷

應劭曰舜葬蒼梧九嶷山名今在零陵營

道文穎曰九嶷山半在蒼梧半在零陵如淳曰舜葬九

嶷九嶷在蒼梧馮乘縣故或云舜葬蒼梧也師古曰文

說是也嶷音疑其山九峯形勢相似故曰九嶷山○宋

祁曰舊本是也下有九字嶷字下無音疑字刊誤據史

館本

登瀟天柱山

應劭曰瀟音若潛南嶽霍山在瀟瀟縣名屬廬江文穎曰天柱山在瀟縣

南有祠瀟音岑師古曰

瀟音與潛同應說是

自尋陽浮江親射蛟江中獲之

師古曰許慎云蛟龍屬也郭璞說其狀云似蛇而四脚細頸頸有白嬰大者數圍卵生子如一二斛甕能吞人也

舳艫千里

李斐曰舳船後持柂處也艫船前頭刺櫂處也言其船多前後相銜千里不絕也師

古曰舳音軸艫音盧

薄樅陽而出

服虔曰縣名屬廬江師古曰樅音千松反

作盛唐樅

陽之歌遂北至琅邪並海

師古曰並讀曰傍傍依也音步浪反

所過禮祠

其名山大川春三月還至太山增封甲子祠高祖于明

堂呂配上帝因朝諸侯王列侯受郡國計

師古曰計若今之諸州計

帳也○宋祁曰南本無此注予案太初元年受計於甘泉下注又云若今之諸州計帳疑只當一見

夏四

月詔曰朕巡荆楊輯江淮物

如淳曰輯合也物猶神也郊祀志所祭祀事也師古



曰輯與集同

會大海氣

鄭氏曰會合海神之氣并祭之

呂合泰山

師古曰集江淮之神

會大海之氣合致於太山然後脩封總祭饗也

上天見象增脩封禪

師古曰見謂顯示也

其赦天下所幸縣毋出今年租賦賜鰥寡孤獨帛貧窮者粟還幸甘泉郊泰畤大司馬大將軍青薨初置刺史

部十三州

師古曰漢舊儀云初分十三州假刺史印綬有常治所治以秋分行部御史為駕四封乘

傳到所部郡國各遣一吏迎之界上所察六條

名臣文武欲盡詔曰蓋有非常

之功必待非常之人故馬或奔蹏而致千里

師古曰蹏蹏也奔走

也奔蹏者乘之即奔立則蹏人也蹏音徒計反

士或有負俗之累而立功名

晉灼

曰員俗謂被世譏論也  
師古曰累音力瑞反

夫泛駕之馬

師古曰泛覆也音方勇反字本作要

後通用耳覆駕者言馬有逸氣而不循軌轍也

跖弛之士

如淳曰跖音拓弛廢也士行有卓異不入

俗檢而見斥逐者也師古曰跖者跖落無檢局也弛者放廢不遵禮度也跖音土各反弛音式爾反

亦在

御之而已

師古曰在人所以制御之

其令州郡察吏民有茂材異等

應劭曰舊言秀才避光武諱稱茂材異等者超等軼羣不與凡同也師古曰茂美也

可為將相及

使絕國者

師古曰絕遠之國謂聲教之外

六年冬行幸回中春作首山宮

應劭曰首山在上郡於其下立宮廟也文穎曰

在河東蒲坂界師古曰尋此下詔文及依地理志文說是

三月行幸河東祠后土詔

曰朕禮首山昆田出珍物化為黃金

應劭曰昆田首山之下田也武

帝祠首山故神為

出珍物化為黃金祭后土神光三燭其赦汾陰殊死呂

下賜天下貧民布帛人一匹益州昆明反赦京師亡命

令從軍遣拔胡將軍郭昌將呂擊之夏京師民觀角抵

于上林平樂館秋大旱蝗

太初元年

應劭曰初用夏正以正月為歲首故改年為太初也

冬十月行幸泰山

十一月甲子朔旦冬至祀上帝于明堂乙酉栢梁臺災

十二月禮高里

伏儼曰山名在泰山下師古曰此高字自作高下之高而死人之里謂之高里

或呼為下里者也。字則為蓬蒿之蒿，或者既見太山神靈之府高里山，又在其旁，即誤以高里為蒿里，混同一事。文學之士，共有此謬。陸士衡尚不免，況其餘乎？今流俗書本，此高字有作蒿者，妄加增耳。

祠后土

東臨勃海望祠蓬萊，春還受計于甘泉。

師古曰：受，郡國所上計簿也。若

今之諸

州計帳。二月起建章宮。

文穎曰：越巫名勇，謂帝曰：越國有火災，即復大起宮室，以厭勝

之故。帝作建章宮，師古曰：在未央宮西。今長安故城西俗所呼貞女樓者，即建章宮之闕也。

夏五月

正厯，呂正月為歲首。

師古曰：謂以建寅之月為正也。未正厯之前，謂建亥之月為正。今此

言以正月為歲首者，史追正其月名。

色上黃，數用五。

張晏曰：漢據土德，土數五，故用五，謂印文

也。若丞相曰丞相之印章，諸卿及守相印文不足五字者，以之足之。

定官名，協音律，遣因

杆將軍公孫敖

服虔曰匈奴地名因所征以名將軍也師古曰杆音羽俱反

築塞外

受降城秋八月行幸安定遣貳師將軍李廣利發天下

謫民西征大宛

張晏曰貳師大宛城名師古曰庶人之有罪謫者也大宛國名宛音於元反

蝗從東方飛至敦煌

二年春正月戊申丞相慶薨

師古曰石慶也

三月行幸河東祠

后土令天下大酺五日腰五日祠門戶比臘

如淳曰腰音樓漢儀

注立秋貍腰伏儼曰腰音劉劉殺也蘇林曰腰祭名也貍虎屬常以立秋日祭獸王者亦以此日出獵還以祭宗廟故有貍腰之祭也師古曰續漢書作貍劉腰劉義各通耳臘者冬至後臘祭百神也臘音來盍反○劉歆

曰腰五日  
衍五字

夏四月詔曰朕用事介山祭后土皆有光應

文顯曰介山在河東皮氏縣東南  
其山特立周七十里高三十里

其赦汾陰安邑殊死

呂下五月籍吏民馬補車騎馬

師古曰籍者總入籍錄而取之

秋蝗遣

浚稽將軍趙破奴

應劭曰浚稽山在武威塞北匈奴常所以為障蔽師古曰浚音峻稽音雞

二萬騎出朔方擊匈奴不還冬十二月御史大夫兒寬

卒

師古曰兒音五分反

三年春正月行東巡海上夏四月還脩封泰山禋石閭

應劭曰石閭山在泰山下  
趾南方方士言仙人閭也

遣光祿勳徐自為築五原塞

外列城

晉灼曰地理志從五原桐湯縣北出石門鄯即得所築城師古曰柁音固

西北至盧

胸

服虔曰匈奴地名張晏曰山名師古曰張說是也胸音劬

游擊將軍韓說將兵屯

之

師古曰說讀曰悅

强弩都尉路博德築居延秋匈奴入定襄

雲中殺畧數千人行壞光祿諸亭障

應劭曰光祿勳徐自為所築列城今

匈奴從此往壞敗也師古曰漢制每塞要處別築為城置人鎮守謂之候城此即鄣也音之向反

又入

張掖酒泉殺都尉

四年春貳師將軍廣利斬大宛王首獲汗血馬來

應劭曰大

宛舊有天馬種蹋石汗血汗從前肩膊出如血號一日千里師古曰蹋石者謂蹋石而有跡言其蹏堅利

作

西極天馬之歌秋起明光宮

師古曰三輔黃圖云在城中元后傳云成都侯商避

暑借明光宮蓋謂此

冬行幸回中徙弘農都尉治武關稅出入者

呂給關吏卒食

天漢元年

應劭曰時頻年苦旱故改元為天漢以祈甘雨師古曰大雅有雲漢之詩周大夫仍叔所

作也以美宣王遇旱災脩德勤政而能致雨故依以為年號也

春正月行幸甘泉郊泰

時三月行幸河東祠后土匈奴歸漢使者使使來獻夏

五月赦天下秋閉城門大搜

臣瓚曰漢帝年記六月禁踰侈七月閉城門大搜則

搜索踰侈者也李奇曰搜索巫蠱也師古曰時巫蠱未起瓚說是也踰侈者踰法度而奢侈也發謫戍



屯五原

二年春行幸東海還幸回中夏五月貳師將軍三萬騎

出酒泉與右賢王戰于天山

晉灼曰在西域近蒲類國去長安八千餘里師古曰

卽祁連山也匈奴謂天爲祁連祁音巨夷反今鮮卑語尚然

斬首虜萬餘級又遣因

杆將軍出西河騎都尉李陵將步兵五千人出居延北

與單于戰斬首虜萬餘級陵兵敗降匈奴秋止禁巫祠

道中者

文穎曰始漢家于道中祠排禍咎移之於行人百姓以其不經今止之也師古曰文說非也秘

祝移過文帝久已除之今此總禁百姓巫覡於道中祠祭者耳

大搜

臣瓚曰搜謂索姦人也晉灼曰搜巫

盡也師古  
曰贊說是

渠黎六國使使來獻

巨瓚曰渠黎西域胡國名

泰山琅邪

羣盜徐勃等阻山攻城

師古曰阻山者依山之險以自固也

道路不通遣

直指使者暴勝之等衣繡衣杖斧分部逐捕

師古曰杖斧持斧也

謂建持之以為威也分音扶問反

刺史郡守呂下皆伏誅冬十一月詔

關都尉曰今豪桀多遠交依東方羣盜其謹察出入者

三年春二月御史大夫王卿有罪自殺初榷酒酤

如淳曰榷

音較應劭曰縣官自酤榷賣酒小民不復得酤也韋昭曰以木渡水曰榷謂禁民酤釀獨官開置如道路設木為榷獨取利也師古曰榷者步渡橋爾雅謂之石杠今之畧約是也禁閉其事總利入官而下無由以得有若

渡水之權因立名焉  
酤音工護反約音酌

三月行幸泰山脩封祀明堂因受

計還幸北地祠常山瘞玄玉

鄧展曰瘞埋也師古曰爾雅曰祭地曰瘞瘞瘞其物

者示歸於地也

夏四月赦天下行所過毋出田租秋

匈奴入鴈門太守坐畏懦棄市

如淳曰軍法行逗留畏懦者要斬懦音如掾反師古

曰又音

乃館反

四年春正月朝諸侯王于甘泉宮發天下七科謫

張晏曰吏

有罪一亡命二贅壻三賈人四故有市籍五  
父母有市籍六大父母有市籍七凡七科也

及勇敢士

遣貳師將軍李廣利將六萬騎步兵七萬人出朔方因

杆將軍公孫敖萬騎步兵二萬人出鴈門游擊將軍韓

說步兵三萬人出五原

師古曰說讀曰悅

强弩都尉路博德步

兵萬餘人與貳師會廣利與單于戰余吾水上連日敖

與左賢王戰不利皆引還夏四月立皇子髡為昌邑王

孟康曰髡音博晉灼曰許慎以為肩髡字

秋九月令死罪入贖錢五十萬減

死一等

太始元年

應劭曰言盪滌天下與民更始故以冠元

春正月因杆將軍敖有

罪要斬徙郡國吏民豪桀于茂陵雲陵

師古曰此當言雲陽而傳寫者

誤為陵耳茂陵帝自所起而雲陽甘泉所居故總使徒  
豪桀也鉤弋趙婕妤死葬雲陽至昭帝即位始尊為皇  
太后而起雲陵武帝時未有雲陵  
夏六月赦天下

二年春正月行幸回中三月詔曰有司議曰往者朕郊

見上帝西登隴首獲白麟呂饋宗廟渥洼水出天馬泰

山見黃金

師古曰見音胡電反

宜改故名今更黃金為麟趾褭蹄

呂協瑞馬

應劭曰獲白麟有馬瑞故改鑄黃金如麟趾褭蹄以協嘉祉也古有駿馬名要褭赤喙黑

身一日行萬五千里也師古曰既云宜改故名又曰更黃金為麟趾褭蹄是則舊金雖以斤兩為名而官有常形制亦由今時吉字金挺之類矣武帝欲表祥瑞故普改鑄為麟足馬蹄之形以易舊法耳今人往往於地中

得馬蹏金金甚精好而形製巧妙裒音奴了反○劉歆  
曰按元封六年詔曰朕禮首山昆田出珍物或化為黃  
金而此稱泰山似非是所謂黃金為麟趾裒蹏者蓋  
用首山金為之耳故詔先敘三瑞下乃云呂協瑞焉  
呂班賜諸侯王秋旱九月募死罪人贖錢五十萬減死  
一等御史大夫杜周卒

三年春正月行幸甘泉宮饗外國客二月令天下大酺  
五日行幸東海獲赤鴈作朱鴈之歌幸琅邪禮日成山

孟康曰禮日拜日也如淳曰祭日於成山也師古曰  
成山在東萊不夜縣斗入海郊祀志作盛山其音同  
登

之罘  
晉灼曰地理志東萊縣有之罘  
山祠師古曰罘音浮腫音直瑞反  
浮大海山稱萬

歲冬賜行所過戶五千錢鰥寡孤獨帛人一匹

四年春三月行幸泰山壬午祀高祖于明堂呂配上帝

因受計癸未祀孝景皇帝于明堂甲申脩封丙戌禮石

閭夏四月幸不其

如淳曰其音基不其山名因以為縣應劭曰東萊縣也

祠神人

于交門宮

應劭曰神人蓬萊仙人之屬也晉灼曰琅邪縣有交門宮武帝所造

若有鄉坐

拜者

師古曰如有神之景象嚮祠坐而拜也漢注云神並見且白且黑且大且小鄉坐三拜鄉讀曰嚮坐

音才

作交門之歌夏五月還幸建章宮大置酒赦天下

秋七月趙有蛇從郭外入邑與邑中蛇羣鬪孝文廟下

服虔曰趙所  
立孝文廟也

邑中蛇死冬十月甲寅晦日有蝕之十二

月行幸雍祠五時西至安定北地

征和元年

應劭曰言征伐四夷而天下和平

春正月還行幸建章宮三

月趙王彭祖薨冬十一月發三輔騎士大搜上林閉長

安城門索

文穎曰簡車馬數軍實也臣瓚曰搜謂索姦人也上林苑周回數百里故發三輔車騎入

大搜索也漢帝年記發三輔騎士大搜長安上林中閉城門十五日待詔北軍征官多餓死然則皆搜索非數軍實也師古曰文說

十一日廼解巫蠱起

非也索音山客反

二年春正月丞相賀下獄死夏四月大風發屋折木閏



月諸邑公主陽石公主

師古曰諸邑琅邪縣也以封公主故謂之邑陽石北海縣也二

公主皆衛皇后之女也陽字或作羊

皆坐巫蠱死夏行幸甘泉秋七月按

道侯韓說使者江充等掘蠱太子宮

師古曰即上游擊將軍韓說也士

午太子與皇后謀斬充呂節發兵與丞相劉屈氂大戰

長安

師古曰屈音丘勿反又音其勿反氂音力之反

死者數萬人庚寅太子亡

師古曰謂

皇后自殺初置城門屯兵更節加黃旄

應劭曰時

逃匿也

太子亦發節以戰故如其上黃以別之

御史大夫暴勝之司直田仁坐失

縱勝之自殺仁要斬八月辛亥太子自殺于湖

師古曰湖縣名

也即今號州閭鄉  
湖城二縣皆其地

癸亥地震九月立趙敬肅王子偃為

平干王匈奴入上谷五原殺畧吏民

三年春正月行幸雍至安定北地匈奴入五原酒泉殺

兩都尉三月遣貳師將軍廣利將七萬人出五原御史

大夫商丘成二萬人出西河重合侯馬通四萬騎出酒

泉城至浚稽山

師古曰音峻雞

與虜戰多斬首通至天山虜引

去因降車師皆引兵還廣利敗降匈奴夏五月赦天下

六月丞相屈氂下獄要斬妻子梟首

鄭氏曰妻作巫蠱夫從坐但要斬也

師古曰屈髀亦坐與貳師將軍謀立  
昌邑王○宋祁曰妻子舊本無子字  
秋蝗九月反者公

孫勇胡倩發覺皆伏辜

師古曰倩音千見反

四年春正月行幸東萊臨大海二月丁酉隕石于雍二

師古曰雍扶風之縣也二者石之數聲聞四百里三月上耕于鉅定

服虔曰地

名也近東海應劭曰齊國縣也晉灼曰案地理志應說是還幸泰山脩封庚寅祀于

明堂癸巳禋石閭夏六月還幸甘泉秋八月辛酉晦日

有蝕之

後元元年

○劉攽曰按昭帝紀云辭訟在後二年前皆勿聽則當但稱後元年也

春正月

行幸甘泉郊泰時遂幸安定昌邑王酈薨二月詔曰朕

郊見上帝

師古曰見音胡電反以下光景並見亦同

巡于北邊見羣鶴留止

呂不羅罔靡所獲獻

如淳曰時春也非用羅罔時故無所獲也

薦于泰時光

景並見其赦天下夏六月御史大夫商丘成有罪自殺

師古曰坐於

侍中僕射莽何羅與弟重合侯通謀反

孟康

廟中醉而歌

曰征和三年言重合侯馬通今此言莽明德馬后惡其先人有反易姓莽師古曰莽音莫戶反○米祁曰案馬亦滿補反易馬為莽者以二字音同字之聲既不可改故但易其形耳以是知漢雖馬姓亦謂之姥也

侍

中駙馬都尉金日磾奉車都尉霍光騎都尉上官桀討

之

師古曰碑音丁奚反

秋七月地震往往湧泉出

二年春正月朝諸侯王于甘泉宮賜宗室二月行幸盤

屋五柞宮

晉灼曰盤屋扶風縣也張晏曰有五柞樹因以名宮也師古曰盤音張流反屋音竹乙反

乙丑立皇子弗陵為皇太子

張晏曰昭帝也後但名弗以二名難諱故

丁卯

帝崩于五柞宮

臣瓚曰帝年十七即位即位五十四年壽七十一

入殯于未央

宮前殿三月甲申葬茂陵

臣瓚曰自崩至葬凡十八日茂陵在長安西北八十里也

贊曰漢承百王之弊高祖撥亂反正文景務在養民至

于稽古禮文之事猶多闕焉孝武初立卓然罷黜百家

師古曰百家謂諸子雜說違背六經

表章六經

師古曰六經謂易詩書春秋禮樂也

遂疇咨

海內舉其俊茂

師古曰疇誰也咨謀也言謀於衆人誰可為事者也

與之立功興

太學脩郊祀改正朔定歷數

師古曰正音之成反他皆類此

協音律作

詩樂建封禪禮百神紹周後號令文章煥焉可述後嗣

得遵洪業而有三代之風

師古曰三代夏殷周

如武帝之雄材大

畧不改文景之恭儉呂濟斯民雖詩書所稱何有加焉

師古曰美其雄材大畧而非其不恭儉也

前漢書卷六

前漢書卷六考證

武帝紀建元元年○劉攽云云○

臣照

按攽論當矣然

謂元鼎以前之元皆有司所追命則恐無臣子妄造元號之理蓋必有詔命追稱而今不可考耳

或治申商注李奇曰申不害書執術○監本訛執衛宋本無術字

中尉程不識為車騎將軍○

臣召南

按公卿表中尉無

程不識是時中尉為張敞又按李廣傳廣為未央衛



尉不識為長樂衛尉即灌夫傳田蚡所云程李俱為  
東西宮衛尉者也此文當云長樂衛尉訛作中尉  
起龍淵宮注漢章帝賜尚書韓稜龍淵劔○章訛帝今  
改正

置五屬國以處之○

臣召南

按杜佑通典曰安定上郡

天水張掖五原為五屬國以地理志核之安定屬國  
都尉治三水上郡屬國都尉治龜茲天水屬國都尉  
治勇士滿福五原屬國都尉治蒲澤而張掖屬國都

尉後書郡國志云武帝置知通典之說甚確但安定  
天水至元鼎三年始置張掖至元鼎六年始分則此  
時豈容先置都尉乎胡三省注通鑑云五郡故塞外  
以隴西北地上郡朔方雲中當之蓋有由也

攻故安圍枹罕○胡三省曰故安縣屬涿郡西羗之兵  
安能至此當作安故地理志安故枹罕二縣皆屬隴  
西郡

初置刺史部十三州○監本訛十二州今改正

臣召南

按晉志冀幽并兗徐青揚荊豫益涼及朔方交趾所謂十三州也至征和四年又置司隸校尉督察三輔三河弘農

秋閉城門大搜注搜索踰侈者也○顧炎武曰此與二年及征和元年之大搜同皆搜索奸人非踰侈者也出酒泉與右賢王戰于天山注師古曰即祁連山也○

臣呂南

按晉灼說是師古說非也此天山即白山括地志云今云折羅漫山在伊州伊吾縣者師古以甘

州張掖縣之祁連當之則戰于內地上文不應云出  
酒泉矣祁連固即天字但此天山遠在西北非前此  
霍去病所奪之祁連近在內地者也

還幸北地祠常山○

臣召南

按此北地非郡名猶言北

邊耳常山即北岳恒山在常山郡上曲陽西北

秋九月令死罪入贖錢五十萬減死一等○

臣浩

按此

文天漢四年也至太始二年九月又云募死罪人贖  
錢五十萬減死一等二文相類一作令一作募一作

入一作人必有一訛顧炎武曰此一事而重見又同是九月疑衍文也

後元元年○王禕曰武帝沿文景故事復為後元然始以後元二字加于年上此為異也非史官追書之

前漢書卷六考證